

Nunat Avannarliit Killiit Siunnersuisoqatigiiffiata aalajangersagaa nr. 1/2009 Inatsisartunit taperserpeqarnissaa pillugu Inatsisartut aalajangiiffigisassaattut siunnersuut, aalajangersagaaq ima oqaasertaqarpoq:

**Nunani pingasuusuni ilinniagaqartut avitseqatigiittarnissaat siunertaralugu ilinniarnertuunngorniarmiit (akunnattumik siviissusilimmik ilinniartitaanerit) akornanni suleqatigiinnermik aallartitsinissamik Savalimmiuni Naalakkersuisut, Kalaallit Nunaanni Naalakkersuisut Islandillu Naalakkersuisui suliniuteqaqqullugit Nunat Avannarliit Killiit Siunnersuisoqatigiiffiannit kaammattorneqarput. Aammattaq suliniummumut atatillugu aningaasartuutit matussutissaannik aningaasanik immikkoortitseqqullugit nunat naalakkersuisui kaammattorneqarput.**

(Josef Motzfeldt, aallartitat siulittaasuut)

### **Akissuteqaat**

(Kultureqarnermut, Ilinniartitaanerimut, Ilisimatusarnerimut Ilageeqarnermullu Naalakkersuisoq)

### **Siullermeerneqarnera**

Naalakkersuisut aallartitat siulittaasuata, Josef Motzfeldtip Savalimmiut Naalakkersuisuisa, Kalaallit-nunaanni Naalakkersuisut kiisalu Islandimi Naalakkersuisut ilinniarnertuunngorni-arluni ilinniarfiit nunat pineqartut pingasut taakkua akornanni ilinniartunik paarlaateqatigiit-tarnissaat siunertaralugu suleqatigiilernissaat aallartinniarlugit suliniuteqarnissamik kaammattuinissaq pillugu aalajangiiffigisassatut siunnersuuteqarneranut qujassuteqarput.

Ullumikkut inuusuttut ilinniarnertuunngorni-arluni ilinniarfinni ilinniartut nunarsuarmioqataasutut teknikikkullu ingerlatsivioqisumi inuupput, tamakkualu ilinniarnermut kajumerne-rannut soqutiginninnerannullu annertoorujussuarmik sunniuteqarput. Kalaallit-nunaanni ilin-niarnertuunngorni-arluni ilinniarfik nutaaliaasoq inuusuttut kulturianut ineriartortumut tamatumunnga akuulertariaqarpoq, inuaqatigiit kalaallit sorlaata oqaluttuarisaanerata, kulturiala oqaasiisalu ilinniartitsinermi aallaviunerannut ilutigitillugu.

Kalaallit-nunaanni ilinniarnertuunngorniartut ilinniarfiisa pitsaassutsikkut nunanilu allani ilin-niarfinnut assingusunut unammillersinnaanermik ilisarnaateqarnerisa pigiinnarnissaat Naalak-kersuisunut pingaaruteqarpoq. Siunnersuutip matuma inuiaat allat kulturianik ilisimasaqarne-rulernissaq, tamannalu ilutigalugu nunani avannarlerni killerni ilinniartut uagut kalaallit kul-turitsinnik annertunerusumik ilisimasaqarnerulernissaat tunngavilersuutigaa. Taamaaliornik-kut illuatungeriit pissarsiaqarnerussapput, kiisalu nunat avannarliit killiit akornanni suleqati-ginneq eqaannerusoq nunanilu tamani atorsinnaanerusoq tunniussinnaallugu.

Nunat killeqarfii akimorlugit atorsinnaasumik ilinniarnikkut toqqaasinnaaneq tunuliaqutari-gaanni taamatut suliniuteqarnermi aningaasartutaasussat ilinniagaqarnermut tapiissuteqarner-mut ingerlatsivimmiit akilerneqarsinnaapput, taamaaliornikkut ilinniarnertuunngorni-arlutik ilinniartut Kalaallit-Nunaanneersut, Danmarkimeersut kiisalu Nunani avannarlerni killeer-neersut ilinniarnersiutaat akilerneqarsinnaalissagaluarpud. Ilinniartut angalaneri ilinniarnermullu akiliutaat aalajangersakkat tunngavigalugit Namminersorlutik Oqartussanit akilerneqassallu-tik.

Taamatut oqaaseqarlutik Naalakkersuisut inassutigaaq siunnersuutip akuersarneqarnissaa.